

“TASDIQLANGAN”
“KAFIL SUG'URTA” AJ
Boshqaruv raisi F.A.Artikov
2024- yil 5- yanvar

SPORT-MADANIYAT TOMOSHAGOH MAJMUALARIDA TOMOSHABINLARNI BAXTSIZ HODISALARDAN EHTIYOT SHART SUG'URTA QILISH OFERTASI

Ushbu Ommaviy oferta (bundan buyon matnda Oferta deb yuritiladi) **“KAFIL-SUG'URTA” AJ** ning (bundan buyon matnda Sug'urtalovchi deb yuritiladi) noma'lum doiradagi jismoniy shaxslarga (bundan buyon Sug'urta qildiruvchi deb yuritiladi) yullangan quyidagi sug'urta shartlarida sug'urta shartnomasini Sug'urtalovchining axborot tizimlari vositasida tuzish taklifi bulib hisoblanadi. Sug'urtalovchi va Sug'urta qildiruvchi shartnoma taraflaridir.

Mazkur Ofepta shartlarining qabul qilinishi va shartlashilgan sug'urta mukofotining to'lanishi uning shartlarini akseptlash hamda Sug'urta qildiruvchining Sug'urta shartnomasini tuzishga roziligi bo'lib hisoblanadi. Sug'urta qildiruvchi tomonidan sug'urta mukofoti to'langanligi fakti tasdiqlanganidan keyin unga elektron sug'urta polisi yuboriladi va Sug'urta shartnomasi tuzilgan deb hisoblanadi.

O'zbekiston Respublikasi Fuqarolik kodeksining 370-moddasiga muvofiq Oferta shartlarining qabul qilinishi mazkur Oferta shartlarini so'zsiz qabul qilingan deb hisoblanadi va u bilan quyidagilarga rozilik ifodalanadi:

- mazkur Oferta shartlari, jumladan unda bayon qilingan sug'urta shartlariga rozilik;
- arizani to'ldirishda ko'rsatilgan shaxsga doir ma'lumotlar bilan sug'urta faoliyatini amalga oshirish maqsadida avtomatlashtirilgan yoki avtomatlashtirilmagan tarzda ishlov berish yuli orqali 5 yil muddatga ishlashga, jumladan ularni yig'ish, tizimlashtirish, to'plash, saqlash, aniqlashtirish, ulardan foydalanish, ularni egasini ko'rsatmaslik, bloklash, yo'q qilishga (yo'q qilish haqida xabar qilmagan holda), shuningdek sug'urta shartnomasini bajarish, ichki hujjat aylanmasini ta'minlash maqsadida uchinchi shaxslarga ularni berishga rozilik.

Sug'urta qildiruvchi Sug'urtalovchining internet resursi vositasida Sug'urta shartnomasini tuzish natijasida o'z huquqi va muomalaga layoqatligini tasdiqlaydi, shuningdek o'z zimmasiga yuklatilgan majburiyatlar yuzasidan javobgarlikni anglaydi.

Sug'urtalovchining internet resursida onlayn tarzda Sug'urta shartnomasini tuzish uchun Sug'urta qildiruvchidan uning elektron pochta manzili (agar bor bo'lsa) va mobil telefon raqami mavjudligi talab qilinadi.

Sug'urta qildiruvchi tomonidan Sug'urtalovchining internet resursida Sug'urta shartnomasini tuzish uchun zarur va muhim bo'lgan barcha ma'lumotlarni kiritish Sug'urta uchun ariza bo'lib hisoblanadi.

Sug'urtalovchi O'zbekiston Respublikasi Fuqarolik Kodeksining 933-moddasiga muvofiq sug'urta sirini saqlashga javobgar bo'ladi. «Oferta», «Sug'urta shartnomasi» va «Sug'urta polisi» havolalari bundan buyon matnda mazkur elektron hujjatga nisbatan bir xil ahamiyatga ega bo'ladi.

I. UMUMIY QOIDALAR

1.1. Mazkur oferta Sug'urta faoliyatini tartibga soluvchi O'zbekiston Respublikasining amaldagi Qonunlari hamda **“KAFIL SUG'URTA”** aksiyadorlik jamiyati Ustaviga muvofiq ishlab chiqilgan bo'lib, baxtsiz hodisa natijasida sog'liqning qattiq shikastlanishi yoxud shuning natijasida vafot etgan taqdirda Sug'urtalangan shaxsga Sug'urta summasi doirasida sug'urta to'voni to'lanishini ta'minlovchi O'zbekiston Respublikasi Moliya Vazirligining tomonidan berilgan Litsenziyasi asosida I-klassga oid Sug'urta turi hisoblanadi.

1.2. Mazkur qoidalar shartlari asosida O'zbekiston Respublikasida doimiy yashaydigan muomala layoqatiga ega bo'lgan fuqarolar, chet el fuqarolari va fuqaroligi bo'lmagan shaxslar, Sport-madaniyat

tomoshogoh majmualar tomoshabinlarni baxtsiz hodisalardan ehtiyot shart sug'urta qilish bo'yicha sug'urta shartnomasi tuzilishi mumkin.

1.3. Mazkur Ofertada ishlatiladigan atamalar mazmuni:

Sug'urtalovchi	O'zbekiston Respublikasi Moliya Vazirligi tomonidan berilgan Litsenziyasi asosida ish olib borayotgan «KAFIL SUG'URTA» aksiyadorlik jamiyati va uning hududiy bo'limlari;
Sug'urta qildiruvchi	Sug'urtalovchi bilan Sug'urta shartnomasini tuzgan O'zbekiston Respublikasining muomala layoqatiga ega bo'lgan fuqarolari, O'zbekiston Respublikasida doimiy yashaydigan chet el fuqarolari, fuqaroligi bo'lmagan shaxslar;
Sug'urtalangan shaxs	Pattaga asosan Sport-madaniyat tomoshogoh majmualariga tashrif buyurgan muomala layoqatiga ega bo'lgan tomoshabinlar;
Sug'urta polisi	Yagona avtomatlashtirilgan axborot tizimi tomonidan real vaqt rejimida shakllantirilgan seriya, raqamiga ega bo'lgan sug'urta qilish amalga oshirilganligini tasdiqlovchi hujjat;
Sug'urta shartnomasi	ushbu oferta asosida Sug'urtalovchi va Sug'urta qildiruvchi o'rtasida rasmiylashtiriladigan yozma bitim bo'lib, uning shartlariga muvofiq Sug'urta qildiruvchi sug'urta mukofotini belgilangan muddatda va to'liq hajmda to'lash majburiyatini, Sug'urtalovchi esa sug'urta hodisasi yuz bergan taqdirda sug'urta summasi doirasida sug'urta to'lovini/sug'urta ta'minotini amalga oshirish majburiyatini zimmasiga oladi;
Sug'urta mukofoti	Sug'urta qildiruvchi ushbu Ofertada belgilangan tartib va muddatda sug'urta uchun Sug'urtalovchiga to'lashi shart bo'lgan to'lov;
Sug'urta summasi	Sug'urta polisida ko'rsatilgan, Sug'urtalovchining har bir Sug'urtalangan shaxsga nisbatan sug'urta to'lovini/sug'urta to'lovini amalga oshirish bo'yicha eng yuqori majburiyatlari hajmini ifodalovchi pul mablag'lari miqdori;
Sug'urta to'voni	Sug'urta hodisasi yuz berganda Sug'urtalangan shaxsga yoki Manfaatdor shaxsga Sug'urtalovchi tomonidan Sug'urta summasi doirasida to'lanadigan pul mablag'i;
Sug'urta muddati	Sug'urta shartnomasi (Sug'urta polisi)ni amal qilish muddati.
Sug'urta hodisasi	Sport - madaniyat tomoshogoh majmualariga tashrif buyurgan Sug'urtalangan tomoshabinlarning sog'lig'iga zarar yetish yoki uning natijasida vafot etish hodisasi (baxtsiz hodisa);
Adjaster	Sug'urtalovchining (Sug'urta qildiruvchining) topshirig'i bo'yicha O'zbekiston Respublikasi "Sug'urta faoliyati to'g'risida"gi Qonuniga asosan Sug'urta hodisasi yuz berganidan keyin sug'urta ob'ektini ko'zdan kechirish va tekshirish, faktlarni va tavakkalchilik holatlarini tahlil etish, sug'urta ob'ektining shikastlanish sabablarini va sug'urta hodisasi mavjudligini aniqlash, Sug'urta hodisasi oqibatida vujudga kelgan shikastlanish darajasi va zarar miqdorini belgilash, to'lanishi kerak bo'lgan Sug'urta to'voni summasini aniqlash, hodisa bo'yicha xulosa tuzish xizmatlarini ko'rsatuvchi, o'z mutaxassislariga ega bo'lgan yuridik shaxs;
Majmua	Aholiga sport va madaniyat yoki ko'ngil ochar tomoshalarini o'tkazish uchun litsenziyasiga ega bo'lgan sport yoki madaniyat tomoshogoh majmualari (sirk, kinoteatr, teatr, konsert zali, stadion va boshqa tomosha tadbirlari);
Manfaatdor shaxs	Sug'urtalangan shaxs vafot etgan taqdirda Sug'urta pulini olish huquqiga ega bo'lgan shaxs.

II. SUG'URTA SUBYEKTI

Sug'urtalovchi bilan Sug'urta shartnomasini tuzgan muomala layoqatiga ega bo'lgan O'zbekiston Respublikasida doimiy yashaydigan fuqarolar, chet el fuqarolari va fuqaroligi bo'lmagan shaxslar Sug'urta subyekti hisoblanadi.

III. SUG'URTA OBYEKTI

Sug'urtalangan shaxsning hayoti va sog'lig'iga bog'liq Qonunlarga zid kelmaydigan moddiy manfaatlari (Sug'urtalashning yakka yoki jamoa tartibida) Sug'urta obyekti hisoblanadi.

IV. SUG'URTA HODISASI

4.1. Quyidagilar sug'urta hodisasi hisoblanadi:

a) Sug'urtalangan shaxsning majmua hududida bo'lgan davrda yuz bergan baxtsiz hodisa natijasida olgan jarohati;

b) tasodifan suyak sinishi, chiqishi, kuyish, tok urishi, to'satdan bo'g'ilish (alkogol ichimlik yoki giyohvand moddani ta'sirida qayd qilishdan tashqari) va boshqalar;

v) Sug'urtalangan shaxsni o'limi yoki uning sog'lig'iga va hayotiga zarar yetishi.

4.2. Quyidagilar sug'urta hodisasi hisoblanmaydi:

a) Sug'urta qildiruvchining yoki uning topshirig'iga binoan biror shaxsning Sug'urta hodisasi sodir bo'lishiga qaratilgan qasddan ongli ravishda qilgan xarakati;

b) qasddan yoki g'araz maqsadda hayotini xavf ostiga qo'yish (hayotini saqlab qolish uchun qilingan xarakterdan tashqari), o'zi va bironi jarohatlash, mayib qilish, shuningdek Sug'urta qildiruvchi shifokor aytganlarini asossiz va ataylab bajarmasa, befarqlik qilsa;

v) Sug'urta qildiruvchining voqeani sodir bo'lishiga to'g'ridan to'g'ri sabab bo'lgan Sug'urta hodisasini alomatlariga ega bo'lgan qonunsiz xarakter qilish orqali;

g) Sug'urta qildiruvchining xarbiy xarakterlar fuqarolar va urush to'ntarilishi, xalq ko'tarilishlarida faol ishtiroki, shuningdek Sug'urta qildiruvchining xarbiy xizmat, mashqlar o'tayotgan davrida olingan jarohatlar yoki o'lim;

d) mast holda majmua hududiga kirish, spirtli ichimliklarni olib kelish, tamaki mahsulotlarini yoki boshqa mast qiluvchi vositalarni sport inshooti hududida iste'mol qilish;

e) o'zi bilan o'q otar qurol, tez o't oladigan, portlovchi, zaharli, pirotexnik, o'tkir hidli moddalarni, sanchadigan yoki kesadigan predmetlar, chemodanlar, portfellar, katta o'lchamdagi o'ramlar va sumkalar, shisha idishlarni, shuningdek boshqa tomoshabinlarga va tadbir o'tkazishga to'sqinlik qiluvchi boshqa buyumlarni olib kelish;

j) turli buyumlarni maydondagi musobaqasi ishtirokchilariga qarab uloqtirish, mash'ala yoki gulxanlar yoqishi natijasida Sug'urtalangan shaxslarga zarar yetkazilishi;

z) yadro portlashi, radiatsiya va radiaktiv nurlanish, zaharlanish;

i) kasallikni barcha turlari, shu jumladan infarkt, insult va boshqalar.

V. SUG'URTA SHARTNOMASINI TUZISH TARTIBI VA MUDDATI

5.1.1. Mazkur sug'urta shartnomasi Sug'urtalovchi tomonidan Sug'urta qildiruvchiga sug'urta xizmatlarini sotish va ko'rsatish shartlarini belgilaydigan elektron hujjat bo'lib hisoblanadi;

5.1.2. Sug'urta shartnomasi (sug'urta polisi) Sug'urta qildiruvchi tomonidan Sug'urtalovchiga axborot tizimlaridan foydalangan holda takdim etilgan ma'lumotlar asosida shakllanadi;

5.1.3. Sug'urta qildiruvchi elektron arizaning to'ldirilishi shart bo'lgan kataklarini mustaqil va arizada ko'rsatilgan hujjatlarning aslidagi ma'lumotlarga qat'iy muvofiq holda to'ldiriladi;

5.1.4. Sug'urta qildiruvchi arizada ko'rsatilgan hujjatlarning ishonchliligi va asliga to'g'ri ekanligi uchun zimmasiga javobgarlikni oladi, shuningdek arizada ko'rsatilgan hujjatlarni ularning asliga muvofiq bo'lmaganida sug'urta hodisasi yuz bergan taqdirda, Sug'urtalovchi sug'urta to'voni to'lashni rad etish huquqiga ega ekanligiga rozi bo'ladi;

5.1.5. Arizada ko'rsatilgan va unga kiritilgan hujjatlarning ma'lumotlari avtomatik ravishda Sug'urta shartnomasiga (Sug'urta polisiga) kiritiladi.

5.1.6. Sug'urta qildiruvchi Sug'urtalovchining axborot tizimi yordamida sug'urta summasini mustaqil aniqlaydi, Sug'urtalovchining axborot tizimi esa Sug'urta qildiruvchi tomonidan ko'rsatilgan ma'lumotlardan va tanlangan variantlardan kelib chiqib, sug'urta mukofoti summasini shakllantiradi hamda

Sug'urta qildiruvchi sug'urta mukofotining shakllantirilgan summasiga rozi bo'lgan taqdirda, uni to'lashga qadar Sug'urta qildiruvchi mazkur Qoida matni bilan tanishish majburiyatini oladi.

5.1.7. Qoidada taklif qilinadigan sug'urta shartlariga rozi bo'lgan taqdirda, Sug'urta qildiruvchi Sug'urtalovchining axborot tizimida o'z roziligini tasdiqlaydi va Sug'urta shartnomasini tuzish uchun arizani (bundan buyon matnda Ariza deb yuritiladi) Sug'urtalovchining axborot tizimidan foydalangan holda onlayn tarzda to'ldirishga kirishadi.

5.1.8. Arizani to'ldirishda Sug'urtalovchi uchun sug'urta hodisasi yuz berishi ehtimolini aniqlashda muhim ahamiyatga ega bo'lgan barcha zarur ma'lumotlarni va sug'urta hodisasi yuz berishidan ko'rilishi mumkin bo'lgan zararlar miqdorini (sug'urta tavakkalchiligini) ko'rsatish talab qilinadi. Barcha ma'lumotlar hujjatlarning asliga qat'iy muvofiqlikda ko'rsatilishi kerak.

5.1.9. Ariza to'ldirilganidan keyin, Sug'urtalovchining axborot tizimi tomonidan «Sug'urta mukofotini to'lash va Sug'urta polisini rasmiylashtirish» tugmasidan foydalanishga avtomatik tarzda ruxsat beriladi.

5.1.10. Sug'urta shartnomasi taraflari Sug'urta qildiruvchi tomonidan Sug'urta polisining olinishi Sug'urta shartnomasi (Sug'urta polisi) lozim darajada imzolanganligini tasdiqlaydi.

5.1.11. Sug'urta qildiruvchining Sug'urta mukofotini to'laganligi fakti Sug'urtalovchining axborot tizimi tomonidan tasdiqlangan sana mazkur Ommaviy oferta aksept qilingan va Sug'urta shartnomasi tuzilgan sanadir.

5.2. Sug'urta shartnomasi (polislari) bo'yicha to'lovni amalga oshirish tartibi:

5.2.1. Sug'urta shartnomasi (polisi) bo'yicha to'lovni amalga oshirish Sug'urtalovchi tomonidan qo'llaniladigan axborot (onlayn) tizimlaridan foydalangan holda amalga oshiriladi;

5.2.2. To'lov tizimining himoyalangan kanaliga keyingi qayta yo'naltirish uchun ariza qabul qilinganligini tasdiqlash Sug'urtalovchi tomonidan Sug'urta qildiruvchi arizani to'ldirayotganida ko'rsatib o'tgan mobil telefon raqamiga SMS-xabarni jo'natish yo'li bilan amalga oshiriladi;

5.2.3. SMS-xabar tasdiqlash kodi bilan birga olinganidan keyin Sug'urta qildiruvchi elektron to'lov tizimini tanlashi zarur, undan keyin u sug'urta mukofotining hisoblangan summasini Sug'urtalovchining hisob raqamiga o'tkazish uchun tanlangan to'lov tizimining saytiga avtomatik tarzda qayta yo'llanadi;

5.2.4. Sug'urta polisi uchun sug'urta mukofoti to'langanligi haqidagi tasdiq olinganidan keyin Sug'urtalovchining axborot tizimi Sug'urta polisini rasmiylashtirishni elektron shaklda avtomatik tarzda amalga oshiradi, Sug'urta qildiruvchining kiritgan telefon raqamiga Sug'urta polisining seriyasi, raqami va Sug'urta polisi elektron tarzda jo'natilganligi fakti haqidagi ma'lumotlarni ichiga olgan SMS-xabar jo'natilishi yo'li bilan Sug'urta qildiruvchini xabardor qiladi. SMS xabarda sug'urta polisini yuklab olish imkonini beruvchi havola mavjud bo'ladi.

5.2.5. Sug'urtalovchi to'lov provayderining harakatlari/harakatsizligi uchun, shuningdek Sug'urta qildiruvchining elektron to'lovlar tizimi va internet orqali to'lash bilan bog'liq zararlari va tavakkalchiliklari uchun javobgar bo'lmaydi.

5.2.6. Sug'urta mukofotini bank kartasi bilan to'lash bevosita Sug'urta qildiruvchi (Naf oluvchi) - karta egasi tomonidan amalga oshirilishi kerak. Agap Sug'urta qildiruvchi bank kartasini to'lov to'lash uchun boshqa shaxsga bergan bo'lsa, Sug'urta qildiruvchi bu bilan bog'liq barcha tavakkalchiliklarni o'z zimmasiga oladi va mazkur holatda sug'urta mukofotini to'lash Sug'urta qildiruvchi tomonidan amalga oshirilgan deb hisoblanishiga rozi bo'ladi.

5.2.7. Sug'urtalovchining axborot tizimida «Sug'urta mukofotini to'lash va Sug'urta polisini rasmiylashtirish» tugmasini bosish bilan, shuningdek shakllantirilgan sug'urta mukofotini to'lagan holda Oferta yo'llangan shaxs O'zbekiston Respublikasi Fuqarolik kodeksining 370-moddasiga muvofiq mazkur Qoida shartlariga rozi ekanligini bildiradi.

VI. SUG'URTA SUMMASI VA SUG'URTA MUKOFOTINI TO'LASH TARTIBI

6.1. Sug'urta qildiruvchi Sug'urtalovchining axborot tizimi yordamida sug'urta summasini mustaqil aniqlaydi, uning eng kam miqdori 20 000 000,00 (yigirma million) so'm miqdorida bo'ladi. Sug'urtalovchining axborot tizimi esa Sug'urta qildiruvchi tomonidan ko'rsatilgan ma'lumotlardan va tanlangan variantlardan kelib chiqib, sug'urta mukofoti summasini shakllantiradi.

6.2. Sug'urta tarifi Sug'urtalangan shaxsning majmua hududida bo'lgan davri uchun 0,03 foiz miqdorida belgilanadi.

6.3. Sug'urta mukofoti to'lovi Sug'urta qildiruvchi bank kartasi bilan bevosita karta egasi tomonidan amalga oshiriladi. Agap Sug'urta qildiruvchi bank kartasini to'lov to'lash uchun boshqa shaxsga bergan bo'lsa, Sug'urta qildiruvchi bu bilan bog'liq barcha tavakkalchiliklarni o'z zimmasiga oladi va mazkur holatda sug'urta mukofotini to'lash Sug'urta qildiruvchi tomonidan amalga oshirilgan deb hisoblanishiga rozi bo'ladi. Sug'urta mukofoti qo'shimcha qiymat solig'isiz hisoblanadi.

6.4. Sug'urta qildiruvchi Sug'urta mukofotlarini majmua hududiga kirish huquqini beruvchi chipta yoki hujjat olayotgan bir vaqtini o'zida hujjatda belgilangan majmuaga kirishni boshlanish vaqtidan kechikmay to'laydi.

VII. SUG'URTA SHARTNOMASINI (SUG'URTA POLISINI) KUCHGA KIRISHI VA UNI BEKOR BO'LISHI

7.1. Sug'urta shartnomasi (Sug'urta polisi)ni amal qilish muddati Sug'urta qildiruvchining majmua hududida bo'lgan vaqti bilan chiptaga asosan chegaralanadi.

7.2. Sug'urta polisining amal qilishi O'zbekiston Respublikasi qonunchiligida ko'zda tutilgan holatlarda bekor qilinadi.

7.3. Polis Sug'urta qildiruvchining yozma arizasiga binoan istalgan vaqtda muddatdan oldin bekor qilinishi mumkin.

7.4. Sug'urta mukofotini to'liq/qisman qaytarish Sug'urta qildiruvchi tomonidan Polis Sug'urtalovchiga qaytarilishi sharti bilan hisobvaraqga (plastik kartaga, bankdagi hisobvarag'iga yoki talab qilib olinadigan hisobvaraqga) pul mablag'larini bir yo'la o'tkazish yo'li bilan quyidagi tartibda va holatlarda amalga oshiriladi:

7.4.1. Sug'urta qildiruvchi ushbu Sug'urta polisida ko'rsatilgan Polisning amal qilish muddati boshlanishidan avval sug'urta qilishdan voz kechish haqida ma'lum qilsa – Sug'urtalovchi unga to'langan sug'urta mukofotini to'liq hajmida qaytaradi.

7.4.2. Sug'urta qildiruvchi ushbu Sug'urta polisida ko'rsatilgan Polisning amal qilish muddati boshlanganidan so'ng sug'urta qilishdan voz kechishi haqida ma'lum qilsa – Sug'urtalovchi unga to'langan sug'urta mukofotini tugamagan sug'urta davri uchun belgilangan hajmida qaytaradi.

7.5. Sug'urta mukofoti quyidagi holatlarda qaytarilmaydi:

7.5.1. Ushbu Qoidada ko'rsatilgan sug'urta davri mobaynida sug'urta hodisasi ro'y berib, Sug'urtalovchi o'z majburiyatlarini bajargan yoki bajarayotgan bo'lsa;

7.5.2. Sug'urta qildiruvchi Sug'urta polisida ko'rsatilgan sug'urta davri tugagandan so'ng, sug'urta qilishdan voz kechish haqida ma'lum qilganda.

7.6. Sug'urta shartnomasi (Sug'urta polisi) quyidagi xollarda o'z kuchini yo'qotgan hisoblanadi:

a) majmuaga kirish huquqini beruvchi chipta shartlariga ko'ra Sug'urta qildiruvchining majmua hududida bo'lish vaqti tugaganda;

b) Sug'urta hodisasi hisoblanmagan holda Sug'urta qildiruvchining vafot etishi;

v) Sug'urta hodisasi tufayli Sug'urta qildiruvchining vafot etganligi uchun Sug'urta puli to'langanda.

VIII. TOMONLARNING HUQUQ VA MAJBURIYATLARI

8.1. Sug'urta qildiruvchining huquqlari:

a) Sug'urta hodisasi yuz berganda Sug'urtalovchidan Sug'urta shartnomasi bo'yicha qabul qilgan majburiyatlarni bajarishni talab qilish;

b) Sug'urta shartnomasi shartlari bo'yicha maslahat olish;

v) Sug'urta tovonini olish.

8.2. Sug'urta qildiruvchining majburiyatlari:

a) Majmua hududida majmuaning ichki tartib qoidalari doirasida harakat qilish va ehtiyotkorlik choralari rioya qilish;

b) Sug'urta polisida belgilangan miqdorda Sug'urta mukofotini to'lash;

v) Sug'urtalovchiga yoki uning vakiliga Sug'urta hodisasiga aloqador kerakli hujjatlarni taqdim etish;

g) yong'in xavfsizligi qoidalariga amal qilishlari;

d) favqulodda vaziyatlar yuzaga kelganda tartibni saqlashga mas'ul bo'lgan shaxslar ko'rsatmasiga asosan harakat qilishlari;

e) Sug'urta qildiruvchi tomoshabinlarga (muxlislarga) quyidagilar taqiqlanadi:

- mast holda majmua hududiga kirish, spirtli ichimliklarni olib kelish, tamaki mahsulotlarini yoki boshqa mast qiluvchi vositalarni iste'mol qilish;
- majmuaga o'zi bilan tomoshabinlarga va tadbir o'tkazishga to'sqinlik qiluvchi buyumlarni olib kelish;
- milliy, irqiy, etnik yoki diniy adovatni qo'zg'ashga qaratilgan, tadbir ishtirokchilari va boshqa tomoshabinlarni haqorat qiladigan belgi yoki timsol va yozuvlarni olib yurish yoki ochiq namoyish etish;

8.3. Sug'urtalovchining huquqlari:

- a) Sug'urta hodisasi yuzasidan jinoiy ish qo'zg'atilgan holatlarda vakolatli organlarni tegishli qarori qabul qilingunga qadar Sug'urta tovonini to'lashni kechiktirish;
- b) Sug'urta qildiruvchidan rentgen sur'atini so'rash, shifokor - ekspert ko'rigiga yuborish, zarur xollarda Tibbiyot muassasalaridagi tibbiy kartalarini va kasallik tarixidan ko'chirmalarni so'rash;
- v) Quyidagi xollarda Sug'urta tovonini to'lashni rad qilish:
 - zarur hujjatlar, shuning Sug'urta hodisasi hususiyatini aniqlash uchun zarur bo'lgan boshqa ma'lumotlar taqdim qilinmaganda;
 - Sug'urta mukofotini to'liq hajmda va o'z muddatida to'lanmaganda;
 - Sug'urta hodisasi majmua hududini tark etish vaqti tugagandan keyin sodir bo'lsa;
 - Sug'urta qildiruvchi noto'g'ri ma'lumot taqdim etganda;
 - Sug'urta hodisasi sodir bo'lishiga aybdor shaxslar yoki tashkilotlarga da'vo ishini qo'zg'atish (regress).

8.4. Sug'urtalovchining majburiyatlari

- a) Sug'urta qildiruvchining Sug'urta shartlari bilan tanishtirish;
- b) Sug'urta qildiruvchiga Sug'urta agenti orqali Sug'urta polisini topshirish;
- v) Sug'urta qildiruvchi to'g'risida olingan ma'lumotlarni va shartnomani bajarishda maxfiylikni ta'minlash;
- g) hodisa ro'y berganda Sug'urta qildiruvchiga (Manfaatdor shaxsga yoki vorislariga) Sug'urta Qoidalarida belgilangan muddatda va tartibda Sug'urta tovonini to'lash;
- d) Sug'urta tovonini to'lovi rad etilganda Sug'urta qildiruvchi (Sug'urtalangan shaxs)ga yozma ravishda xabar qilish;

IX. TOMONLARNING JAVOBGARLIGI

9.1. Mazkur oferta asosida tuzilgan Sug'urta shartnomasi shartlarini bajarmaganlik yoki kerakli darajada bajarmaganlik uchun Tomonlar O'zbekiston Respublikasining amaldagi qonunchiligiga muvofiq javobgarlikka tortiladi.

X. SUG'URTA TOVONI TO'LASH TARTIBI

10.1. Sport - madaniyat tomoshagoh majmualari tomoshabinlarini baxtsiz hodisalardan ehtiyot shart sug'urta qilish shartnomalari bo'yicha to'lov Sug'urta qildiruvchi bilan Sug'urta shartnomasini tuzgan Sug'urtalovchi tomonidan amalga oshiriladi.

10.2. Sug'urta qildiruvchining vafoti tufayli Sug'urta to'lovi Sug'urtalovchi Sug'urta polisida ko'rsatilgan Sug'urta summasi to'liq miqdorini (avval jarohatga to'langan to'lovni hisobga olgan holda) to'laydi.

10.3. Sug'urta qildiruvchining hayoti va sog'lig'iga zarar yetganda Sug'urtalovchi tomonidan ishlab chiqilgan "Baxtsiz hodisalardan ehtiyot shart sug'urta qilishning barcha turlaridan sug'urta hodisalari bo'yicha sug'urta tovonini aniqlash va to'lash tartiblari to'g'risida"gi uslubiy ko'rsatma asosida to'lanadi.

10.4. Umumiy to'langan to'lov Sug'urta summasidan oshmasligi lozim.

10.5. Sug'urta qildiruvchi sug'urta tovonini olish uchun Sug'urtalovchiga quyidagi hujjatlarni taqdim qilishi lozim:

10.5.1. Sug'urtalangan shaxs jarohat olganda:

- sug'urtalangan shaxsning arizasi;
- sug'urta polisi;
- sug'urtalangan shaxsning majmuaga kirish huquqini beruvchi chiptasi;
- sport-madaniy tomoshagoh majmuasi tomonidan tasdiqlangan dalolatnoma;
- sug'urta hodisasi hususiyati va sabablarini aniqlash uchun zarur bo'lgan boshqa hujjatlar;

- tashxisi ko'rsatilgan holda Sug'urta hodisasi sodir bo'lganligini tasdiqlovchi tibbiy muassasalari tomonidan taqdim etilgan ma'lumotnoma;

- sug'urta tovonini oluvchi shaxsni tasdiqlovchi xujjat.

10.5.2. Sug'urtalangan shaxs vafot etganda:

- manfaatdor shaxsning arizasi;

- sug'urta polisi;

- sug'urtalangan shaxsning majmuaga kirish huquqini beruvchi chipta;

- vorislik huquqi to'g'risida notarial idorasi tomonidan berilgan guvohnoma;

- notarial idorasi tomonidan tasdiqlangan Sug'urtalangan shaxsni vafoti to'g'risidagi guvohnomaning nushasi;

- sug'urta pulini oluvchi shaxsni tasdiqlovchi hujjat.

- sug'urta hodisasi hususiyati va sabablarini aniqlash uchun zarur bo'lgan boshqa hujjatlar.

10.6. Sug'urtalangan shaxs tomonidan Qoidalar va shartnoma shartlariga amal qilinganda, Sug'urtalovchi qoidalarining 10.5.1. va 10.5.2. bandlarida ko'rsatilgan barcha tegishli hujjatlarni olgandan so'ng sug'urta to'lovlari komissiyasi bayonnomasi asosida 10 kun ichida Sug'urta tovonini (Sug'urta pulini) to'lab beradi (yuz bergan Sug'urta hodisasida jinoiy ish qo'zg'atilib, unda Sug'urtalangan shaxsning aybi ko'rilayotgan xolatlardan tashqari).

10.7. Sug'urta tovonini Sug'urtalovchi Sug'urta qildiruvchining nomidagi yoki vorisning bankdagi hisob raqamiga o'tkazib beriladi.

10.8. Sug'urta tovonini (sug'urta puli) to'lovi rad etilgan xolatda 15 kundan ichida ariza bilan murojaat qilgan shaxs yoki Sug'urtalangan shaxsning vorisi yozma ravishda xabardor qilinishi shart.

XI. NIZOLARNI KO'RIB CHIQISH TARTIBI

11.1. Ushbu Ofertada ko'zda tutilgan yoki u bilan bog'liq, shu jumladan uni bajarish va buzishga tegishli masalalar bo'yicha bahslar, talablar yoki tushunmovchiliklar yuzaga kelganda, tomonlar ularni muzokaralar yo'li bilan hal etish chorasini ko'radilar.

11.2. Bahslar, talablar yoki tushunmovchiliklarni hal etish imkoniyati bo'lmaganda, ular O'zbekiston Respublikasining amaldagi qonunchiligiga muvofiq hal etiladi.

11.3. Agar birorta yuzaga kelgan vaziyatlar (sharoitlar) ushbu sug'urta shartnomasida o'z aksini topmagan bo'lsa, Sug'urtalovchi o'z fikriga tayanib, o'zaro kelishuv asosidagi qarorni qabul qilish huquqiga ega.